

TARIKH : 5 JUN 2020

AKHBAR : BERITA HARIAN

MUKA SURAT : M/S 4

*Pelan Pemulihan Ekonomi Jangka Pendek*

## Tumpu tiga matlamat utama

**Kerajaan fokus semua aspek bina semula ekonomi inklusif, berdaya tahan**

**Kuala Lumpur:** Langkah pertama bagi menyelesaikan masalah adalah dengan menyedari bahawa ia wujud - pandemik, impak ekonomi yang menjejaskan dan keperluan bagi kerajaan untuk menanganinya dari segenap sudut yang mungkin bagi membina semula ekonomi yang inklusif dan berdaya tahan.

Petang ini, Perdana Menteri, Tan Sri Muhyiddin Yassin dijangka mengumumkan Pelan Pemulihan Ekonomi (ERP) jangka pendek yang menumpukan kepada tiga matlamat utama iaitu memperkasakan rakyat, merencanakan perniagaan dan merangsang ekonomi, yang akan membawa kepada landasan pemulihan dan pertumbuhan.

Sebelum ini, kerajaan melakukan apa yang perlu untuk membendung penularan virus membawa maut itu dan menyediakan sokongan kepada ekonomi menerusi Pakej Rangsangan Ekonomi Prihatin Rakyat bernilai RM200 bilion.

La berjaya mengekang penularan apabila kes jangkitan kebanyakan kekal dalam dua angka sekarang, membina daya tahan

menerusi pakej rangsangan dan membuka semula ekonomi di bawah Perintah Kawalan Pergerakan Bersyarat (PKPB) dengan 70 peratus daripada tenaga kerja kembali bekerja.

Di bawah pakej rangsangan itu, menerusi Bantuan Prihatin Nasional (BPN), moratorium pinjaman, subsidi upah serta jaminan makanan, RM15.1 bilion diagihkan dan RM14 bilion dibelanjakan bagi rakyat.

Bagaimanapun, sektor seperti pelancongan, Perusahaan Kecil dan Sederhana (PKS) dan pengangkutan masih terjejas, yang memerlukan bantuan berterusan daripada kerajaan bagi proses pemulihan.

Kerajaan menyedari bahawa mengurangkan jumlah kes dan pemberian jangka pendek semata-mata tidak mencukupi. Jumlah pekerjaan dan beroperasi dengan selamat dalam norma baharu adalah antara jaminan yang rakyat harapkan daripada kerajaan sekarang.

Pendek kata, pengangguran adalah isu utama dalam apa jua krisis dan menurut sumber industri yang menghadiri pelbagai perbincangan dengan Kementerian Kewangan, kerajaan memberikan keutamaan dalam memastikan pekerjaan terus dikekalkan, terutama dalam melatih dan melatih semula pekerja.

Sementara itu, Menteri Kewangan, Datuk Seri Tengku Zafrul Aziz sejak beberapa minggu lalu sudah bertemu dengan hampir semua sektor, termasuk seni dan

budaya serta pendidikan bagi menilai keperluan yang diperlukan dan langkah yang diharapkan daripada kerajaan di bawah ERP jangka pendek.

"Antara topik yang dibincangkan adalah mengenai perlindungan pekerja, pengangguran, perkara yang berkaitan dengan gaji, kemahiran dan latihan semula. Kerajaan akan meneruskan usaha kami dalam menjamin ketajirahan tenaga kerja melalui ERP," katanya menerusi laman twitter beliau, @zafrul\_aziz.

Kadar pengangguran di Malaysia 3.5 peratus pada suku pertama 2020, masih rendah berbanding 5.1 peratus di Filipina, New Zealand (4.2 peratus) dan Sepanyol (14.1 peratus).

Pengangguran Malaysia berada pada 3.3 peratus suku keempat 2019.

Dalam pengumuman hari ini yang akan disiarkan secara langsung di TV3, RTM, BERNAMA TV dan Astro Awani, kerajaan juga dijangka membolehkan beberapa inisiatif bagi menarik pelaburan langsung asing ke Malaysia, memudahkan urusan perniagaan dan yang paling penting, memperkemaskan lagi proses sedia ada.

Banyak perniagaan berlepan dengan isu aliran tunai, perkara ini juga dijangka akan diberi pertimbangan oleh kerajaan dalam ERP, khususnya bagi membantu PKS.

Industri pembinaan, hartanah dan automotif juga akan diberi keutamaan, memandangkan ke-

pentingannya dalam membina keyakinan pengguna serta pelabur ke arah meletakkan kembali ekonomi pada landasannya.

Digitalisasi pula adalah bidang baharu yang mendapat banyak perhatian baru-baru ini dan kepentingannya terbukti bagi membolehkan perniagaan terus beroperasi selepas berakhir pandemik COVID-19, oleh itu, beberapa inisiatif baharu turut dijangka diberikan, terutama kepada PKS untuk mempercepat transformasi perniagaan.

Selain memenuhi keperluan bagi peringkat makro, kerajaan juga akan menyediakan inisiatif yang akan membantu golongan wanita, keluarga, orang kurang upaya serta penjagaan kanak-kanak dalam normal baharu.

Daripada kebanyakan inisiatif itu, perkonjian awam swasta (PPP) dijangka memainkan peranan utama dalam membina daya tahan negara dan mengekalkan pertumbuhan.

Walaupun peruntukan kerajaan yang akan diumumkan hari ini serta impak kepada defisit belanjawan belum diketahui, ini adalah waktunya untuk belanjawan pengimbangan di tengah-tengah senario ekonomi global.

Malaysia mencatatkan defisit perdagangannya pertama pada Oktober 2007 berikutan eksport yang menguncup lebih cepat berbanding import, dan ia adalah petunjuk jelas kepada keadaan suram dan impak daripada koronavirus (COVID-19) yang merencatkan ekonomi.

Negara perdagangan, Malaysia merekodkan lebih dagangan selama 269 bulan berturut-turut.

Kemerosotan itu bukan sahaja membabitkan Malaysia atau rantau ini, malah kepada ekonomi global di mana menurut Tabung Kewangan Antarabangsa (IMF), ia akan menguncup sehingga 3.3 peratus pada tahun ini.

Bank Negara Malaysia (BNM) mengunjurkan ekonomi menyusut sehingga dua peratus atau naik sedikit sebanyak 0.5 peratus tahun ini, manakala beberapa ahli ekonomi menjangkakan kemerosotan sehingga empat peratus.

Sebahagian daripada pemulihan berkenaan dijangka dapat dilihat pada 2021 dengan pertumbuhan global mencecah 5.8 peratus, menurut IMF namun untuk menjadikan Malaysia sebagai sebahagian daripada pertumbuhan ini, ia kini perlu melaksanakan semua langkah dan kekal di landasan untuk mengharunginya.

ERP Jangka Pendek adalah fasa keempat daripada enam fasa usaha Malaysia iaitu Resolve (ketahanan), Resilience (ketahanan), Restart (pemulihan semula), Recovery (pemulihan), Revitalise (merencanakan semula) dan Reform (GR) bagi menanganai isu kesihatan dan ekonomi akibat pandemik COVID-19.

Fasa seterusnya, iaitu Revitalize (merencanakan semula) dijangka terkandung dalam Belanjawan 2021.

BERNAMA